

CAP. IV.

SUCCI SPISSATI,

VULGO,

EXTRACTA.

SUCCUS SPISSATUS ACONITI NAPELLI.

ACONITI Napelli folia recentia contundantur, et sacco cannabino inclusa comprimantur valide, ut succum præbeant; qui in vasis patulis, calefactis aquâ fervente muriate sodæ saturatâ, illico redigatur ad mellis crassioris spissitudinem.

MASSA, postquam refrixerat, reponatur in vasis fictilibus vitreatis, et alcohole madefactis.

EODEM modo parantur, ex ipsorum foliis,

S U C C I S P I S S A T I.

ATROPÆ BELLADONNÆ,
CONII MACULATI,
HYOSCYAMI NIGRI,
LACTUCÆ VIROSÆ.

SUCCUS SPISSATUS SAMBUCI NIGRÆ : vulgo,
ROB SAMBUCI.

℞. Succi baccarum Sambuci nigræ maturarum
libras quinque,
Sacchari purissimi libram unam.

DECOQUE leni igne ad mellis crassioris spissitudinem.

SUCCUS SPISSATUS MOMORDICÆ ELATERII :
vulgo, ELATERIUM.

FRUCTUS maturos Momordicæ Elaterii scinde,
et succum levissime expressum trans mitte per
cribrum setaceum tenuissimum ; deinde coque
parum, et per aliquot horas sepone, donec cras-

sior pars subsederit. Partem tenuiorem supernatantem effunde, et reliquam colando separa. Crassiorem verò partem, quæ post colandum restat, panno linteo co-opertam leni calore exsicca.